

KYRKJEGLOTTEN

NR. 4 — 2021 · 44. ÅRGANG · KYRKJELYDSBLAD FOR MO OG OSTERFJORDEN

s. 2-4
VISITAS ER STAS!

s. 4
SMÅBARNSTRALL

s. 6-7
ETIKK, TAKK!

Visitas er stas!



Spørjetime med 10. klasse på Ostereidet ungdomsskule.
Foto: Anne Sofie N. Uthaug



Biskop Halvor Nordhaug og kyrkjefagsjef Tore Skjæveland i samtale med nokre av elevane. Foto: Anne Sofie N. Uthaug



Te Deum med dirigent Solveig G. Angelskår i aksjon på medarbeidarfesten. Foto: Anne Sofie N. Uthaug



Håvard Giezendanner kåserte og spelte på fløyte.
Foto: Gunvor Taule Mjanger



Elin Molvik, Else Iren Westervik og Arnfinn Hellevang, saman med mange andre, hyggja seg på medarbeidarfesten i Storstova på Leknes. Foto: Gunvor Taule Mjanger



Også biskop og prost syns at suppa hennar Magnhild var god!
Foto: Gunvor Taule Mjanger



Frå møtet i Vike kyrkje der m.a. Eli F. Vikan hadde ordet.
Foto: Anne Sofie N. Uthaug



Grethe Lunde, leiar i Alver kyrkjelege fellesråd; Ove I.B. Danielsen, tilsett i Osterfjorden sokn og Lars Bjarte Nesheim, kyrkjeverje i Modalen; i møtet mellom sokneråda, fellesrådet, stabane og biskopen i Hjelmås kapell. Foto: Anne Sofie N. Uthaug



Prost Helge Taranrød, biskop Halvor Nordhaug og medlem i Osterfjorden sokneråd Tone R. Kaalaas i same møtet.
Foto: Anne Sofie N. Uthaug



Tone R. Kaalaas, Sonja Molvik, Bjørg H. Aasgard og Halvor Nordhaug i samtalen om diakoni.
Foto: Anne Sofie N. Uthaug



Else Iren Westervik, Ingunn S. Buanes, Ruth-Inger Andersen og Karina Andersen i samtalen om barne- og ungdomsarbeidet.
Foto: Anne Sofie N. Uthaug



Kyrkjetenar Marit Færøy, medliturg Ernst Tvedt, sokneprest Torbjørn Aamli, prost Helge Taranrød og biskop Halvor Nordhaug nesten klar til prosesjonen i visitasgudstenesta.
Foto: Arve Kjell Uthaug



Sokneprest Torbjørn Aamli og biskop Halvor Nordhaug i visitasgudstenesta.
Foto: Arve Kjell Uthaug



OsterKlang under leiing av Else Iren Westervik og Boris Kuprijanov i aksjon i gudstenesta. Foto: Arve Kjell Uthaug

Bispevisitas i Osterfjorden og Mo

27. – 31. oktober var det bispevisitas i Osterfjorden sokn og Mo sokn. Biskop Halvor Nordhaug, kyrkjefagsjef Tore Skjæveland og prost Helge Taranrød møtte sokneråd, fellesråd, frivillige medarbeidarar, ungdomsskulelærarar og -elevar, og representantar frå kommunane til samtale og drøftingar. Biskopen oppsummerte inntrykka i visitasføredraget etter gudstenesta 31.10., med ros, oppmuntringar og utfordringar. Dette vil Kyrkjegløtten koma tilbake til i seinare nummer.



Biskop Halvor Nordhaug held visitasføredraget etter gudstenesta. Foto: Arve Kjell Uthaug

Småbarnstrall i Hjelmås kapell

Tekst og foto: Ove I. B. Danielsen

Som relativt nyttilsett trusopplærer i Lindås og Osterfjorden sokn, har det vore ei glede å få møta foreldra og borna på Småbarnstrall! Tilbudet er felles for heile Osterfjorden.

Vi kom i gang heilt på tampen av nasjonale tiltak, og det var godt - for her kom det mange! På dei første tre samlingane kom det rundt 8-10 vaksne og 11-12 born. Fantastisk! Behovet for å samlast var tydeleg stort, så både songen òg praten gjekk godt. Eg har mitt vesle keyboard, og litt på telefonen/Spotify - og så deler vi ut rytmeegg til dei som vil ha. Dei er ikkje mange månadane før dei skjønner kor kjekt DET er! I og med at vi har hatt ei aldersspredning frå 0 - 5 år, så har vi hatt glede av å ha nokre 3-4 åringar på "dansegolvet". For ein rytmesans born har! Stemningen har vore god og vi har vorte kjende med nokre nye i bygda. Det er bra! Ragnhild Romarheim og Ragnhild Angelskår har vore med som frivillige medhjelparar, og det har vore til stor hjelp, for ein som aldri har gjort dette før. Det har gått bra. Songstunda varer cirka 30 minutt, og så et vi lunsj i lag. Praten går lett, og så leiker nokre av borna vidare. Velkommen til alle som vil, og tips gjerne nokre som er i målgruppa!

Ein av songane vi syng, til borna er

"... Du er så fin og jeg bryr meg om deg.
Ingen er så fin som du på hele jorden..."

Og det ER det finaste vi kan gje borna våre. Ei kjensle av å vera sett, og at nokon bryr seg om akkurat DEI. Det er god nok motivasjon for å drive med Småbarnstrall! Takk for muligheten!

Vidare: 23. november og 7. desember (avslutning). Så reknar eg med oppstart etter nyttår, 5. januar.

Helsing Ove I. B. Danielsen, Trusopplærer i Lindås og Osterfjorden.

A photograph of a white wooden church with a steeple, set against a cloudy sky. The church is surrounded by trees with some autumn-colored leaves. Text is overlaid on the image in various colors and fonts.

**"Så skal du få sitte
på mitt varme fang
og bli med å syng
en kose-seg-sang"**

**Småbarnstrall
i Hjelmås
kapell**

Kl. 10.30 til 12.30

**Annakvar onsdag
I oddetallsveker**

VAKSDAL BLOMSTER OG BEGRAVELSESBYRÅ AS

Vi ordnar alt vedrørende dødsfall.
Kransar, oppsatsar og bærebukettar
fritt levert til gravferda. Gravmonument.

Tlf. 56 59 74 70





Frå kyrkjebenken

Tekst: Anne Sofie Nergård Uthaug

Foto: Arve Kjell Uthaug

– *Kor lenge har du vore aktiv i kyrkjelyden?*

– Jeg har vært aktiv i menigheten siden juni 2021, rett etter vi flyttet til Holsnøy fra Bergen.

– *Kva set du mest pris på ved kyrkjelyden?*

– Jeg setter pris på at det er gudstjenester hver uke, spesielt om sommeren. Men jeg setter størst pris på hvor hyggelige de er i menigheten - hver gang vil noen snakke med deg og viser genuin interesse for deg.

– *Korleis vil du skildra kyrkja?*

– Meland kyrkje er en hyggelig kirke som er ganske tradisjonell på linje med Den Norsk Kirke, men også veldig tilgjengelig for de som ikke er fra en kirkelig bakgrunn. Kirken er veldig involvert i det lokale samfunnet, med

mange spesialgudstjenester for barnedåp, småbarn, konfirmasjoner og andre som er godt besøkt av de som vanligvis ikke går i menigheten.

– *Kva salme syng du gjerne for tida?*

– Min favoritt er Amazing Grace, fordi den er på mitt morsmål, som er engelsk. Også er det en av de beste beskrivelsene av det som Gud har gjort for oss, og hvor stort vårt håp er i Ham. Jeg synger den ofte til sønnen eller kona min hvis de er triste eller har en dårlig dag, og det oppmuntrer dem alltid.

– *Kva kjenneteiknar ein god kyrkjekaffi?*

– God kirkekaffe er det som gjør kona mi glad. Jeg er ikke en kaffe-fan, jeg liker te best.

FAKTA

Namn:	Samuel Alexander Aylmer
Alder:	29 år
Bustad:	Holmemarka, Meland
Yrke:	Senior Konsulent (Testing)

KNARVIK  **SENTER**

Møteplassen for handel og kultur



Etikk, takk!

Er blitt forsøkt psyka ut mange gonger

Tekst og foto: Håkon Glatved-Prahl

Han er blitt forsøkt psyka ut av motstandarar mange gonger. Like fullt har Tommy Urhaug vunne heile fire VM-gull, ni EM-gull og eitt OL-gull. – Eg har hatt ei eventyrleg reise, seier 41-åringen.

Det er ytterst få idrettsutøvarar i landet som kan skilta med så mange triumfar i internasjonale meisterskap som Tommy Urhaug. Men vegen til sigrane har tidvis vore prega av «ureint trav» og tendensar til usportsleg opptreden frå andre sida av bordtennisbordet.

Vi møter radværingen Tommy Urhaug heime i stova på Langhøyane, berre nokre steinkast frå barndomsheimen på Urhaug. Her bur han saman med kona Gunn og døtrene Øyvor (10) og Solveig (5). Han er nyss heimkomen med to førsteplassar etter ei internasjonal turnering i Spania.

Medaljegrossiten frå Manger er neste mann i ut i serien etikk, takk – denne gong med fokus på etikk innan idretten.

Skreik og knytta neven

- Det finst heilt klart etiske problemstillingar innan idretten, også for oss med rackertar i handa. Personleg har eg alltid prøvd å visa gode haldningar. Vi som er utøvarar på høgt

nivå, er jo førebilete for mange unge, og då gjeld det heile tida å ta dei riktige vala og inspirera og motivera andre til å tenkja over sine eigne val.

- Har du opplevd skitne triks under kampar?

- Ja, det har eg. Seinast då eg rauk ut i kvartfinalen i Tokyo-OL tidlegare i år. Eg møtte ein engelskmann som oppførte seg svært høglydt. Han skreik og jubla veldig for kvart poeng han fekk, samstundes som han knytta neven mot meg. Han framsto eigentleg som veldig usportsleg. Det var tydeleg at han gjorde det for å prøva å psyka meg ut.

- Klarte han det?

- Eg bryr meg vanlegvis ikkje om slik oppførsel. At eg heller ikkje brydde meg om måten han oppførte seg i denne kampen, kan nok ha oppiggla engelskmannen til å gje ekstra gass for å få meg ut av balanse. Han vann kampen, slik blei det.

Det høyrer med til historia at Tommy tapte OL-kvartfinalen i Tokyo med minst mogeleg margin, 12-10 i femte og avgjerande sett.

Kom gåande ut frå butikken

Tommy Urhaug har fleire døme på usportsleg atferd:

- Under ei turnering i Kina for ein del år sidan var det lagleiaren til motstandaren som var den verste. Han gjorde heilt unødvendige sprell under kampen. Når eg for eksempel skulle plukka opp ballen i nærleiken av hans hjørne, bøygde han seg fram og klappa meg opp i ansiktet. Mange tyr til ufine triks, det er tøft på toppplan.

Dei nemnde eksempla går likevel ikkje nemneverdig inn på den sindige 41-åringen. Gleda ved å spela bordtennis, på både høgt nivå og i andre samanhengar, er gjennomgående positivt for Tommy.

Når vi spør han om endå eit eksempel, svarar han:

- I ei turnering i Italia for snart 20 år sidan skulle eg opp mot ein kar frå Hongkong. Dagen før matchen såg eg tilfeldigvis at han kom spaserande ut frå ein daglegvarebutikk berande på plastposer med vatn. Han stilte i konkurransen klassifisert som rullestolbrukar, slik som eg sjølv, men han hadde klart å juksa seg til det. Det var unekteleg rart å spela kampen mot han når eg visste at han skulle vore i klassen for dei ståande. Han blei avslørt før neste turnering.

Northug gav hovudbry

- Har du opplevd etiske dilemmaer i karrieren din?

- Ja, eg vil trekkja fram sponsoravtalen med Petter Northug, ein avtale som gjeld brillemerket hans. Midt under prosessen med avtalen, gjekk bomba av med kva han hadde gjort, dette med råkøyning og oppbevaring av narkotika. Då kom eg i skikkeleg tvil om kva eg skulle gjera, seier Tommy og held fram:

- På den eine sida ville eg ikkje bli forbunde med Northug sine krumspring, han hadde jo også køyrd i fylla, og på den måten gje aksept for hans oppførsel. På den andre sida er jo Northug kun eit menneske han også. Livet frå å vera internasjonal toppidrettsutøvar og eit stort idol for mange, til å takla den brå overgangen til sivil status, var tøff for han. Eg tenkte på han som medmenneske og valde å slutføra forhandlingane og bli sponsor for Northugs briller.

- Kva betyr ei slik sponsoravtale for deg?

- Litt forskjellig. Eg frontar brillene hans på sosiale medier, til dømes på Instagram. Så får eg solbriller, litt klede og utstyr, og litt økonomisk støtte.



VATNE
begravelsesbyrå

DAHLS

Tlf: **56 35 09 10** (24t)
Kvassnesvegen 11, 5914 Isdalsbø

vatne-byra.no

Lim og utstyrsdop

- Har du opplevd doping i bordtennissporten?

- Nei, det kjenner eg ikkje til. Men det foregår ei form for utstyrsdop viss ein kan kalla det for det. Det er nemleg ein del som triksar og fiksar på racketen sin.

- Korleis då?

- Kort fortald så finst det dei som brukar ein ulovleg type lim på racketen. Det er normalt å tilføra racketen eit lag med lim, og det er noko ein gjer sjølv. Det dannar seg då eit lag med gass mellom belegget og treverket, det gjer at du får meir fart og skru i ballen. Problemet er at nokon miksar limet på ein ulovleg måte. Dei legg på eit tjukkare lag for å få meir fart.

Tommy Urhaug har sjølv opplevd problemet tett på.

- I Aten-OL i 2004 tapte eg kvartfinalen mot ein spelar som vart diska i semifinalen for bruk av ulovleg lim på racketen sin. Han brukte same racketen mot meg i kampen før semien, men då vart ikkje racketen hans kontrollert. Litt bittert å tenkja på at han juksa mot meg i kvartfinalen.

Engelsk, ikkje kinesisk

Etiske utfordringar eller ikkje; Tommy Urhaug er svært glad for alt han har opplevd på og utanfor idrettsarenaen. Han har spelt bordtennis i alle verdsdelar, han har knytt kontaktar og fått vener over heile verda. Han er glad i familien sin og alle som støttar han. Han er til og med på nippet til å halda fram med karrieren ei stund til.

- Det tør eg ikkje sei klart ja til enno. Det er ein del ting som må falla på plass før eg tek standpunkt til å satsa fram mot OL i Paris i 2024.

Det få veit er at bordtennisen oppsto i England på 1840-talet. Det var ein sport for dei rike og fiffen. Kledd i ballkjoler og findress vart spelet utvikla som ei form for «Gentlemen's Sport» på dei britiske øyar.

- Mange trur det opphavelig er kinesarane si sportgrein, men slik er det ikkje. Mi største bragd i karrieren var då eg slo verdseinaren, som er kinesar, i finalen i London-OL i 2012. Det er alltid kjekt å slå ein kinesar i bordtennis, og spesielt når han er ranka som nummer ein i verda, oppsummerer Radøys eigen gentleman-spelar Tommy Urhaug.



**Knarvik
Blomsterstove**

Kvassnesvegen 11 - 5914 Isdalsbø
Tlf: 56 35 62 20 - www.knarvikblomsterstove.no

Juletankar og databrus

Tekst og foto: Tone Marit Øvretveit Dyrkolbotn

Det er full rulle i kyrkjekjellaren i Knarvik denne fredagskvelden. Det er Fredagsklubb, og born i 5.-7.klasse fyller romma med latter, leik, spel, konkurransar, pizza i kiosken, og god stemning. Tre av gutane tek seg ein pause frå "Blime"-dansinga som pågår i Speilsalen for å ta ein prat om jul.

- Eg gler meg masse til jul! strålar Sondre. Han, Jonas og Brede ramsar opp alt dei syns er kjekt med jula - så mykje at eg ikkje rekk å skriva det ned.

Me nøstar litt i det - for kva er det eigentleg som er fint med jula som ikkje er så langt unna no, og kva er det tre gutar i 5.-7.klasse tenkjer på når me snakkar om jul?

- Det er gøy med gåver, og masse mat! Eg er veldig glad i kotelettar, seier ein.

- Eg er glad i taco, svarar ein annan. Og følgjer opp med at det var forresten ikkje akkurat julemat.

Pinnekjøtt står på menyen hjå dei på julaften, men det er er ikkje alle som er like glade i det, vertfall ikkje så glad i det som i taco.

- Eg elsker lammekjøtt, seier Jonas.

Matpratn glir vidare, men så peilar me oss inn på andre ting rundt jul. For kvifor er det no eigentleg me feirar jul?

- Fordi julenissen vart fødd! Sondre svarer fort og med eit stort smil - så bryt han ut i latter. - Neida! Eg berre tulla!

Me ler. Og gutane forklarar vidare:

- Det er jul fordi Jesus vart fødd, seier Brede. - Og det var ei stor greie, med masse englar og sånn som fortalde om det til folk, legg han til. - Mange tusen folk faktisk, skyt Jonas inn.

Har dei tru på at det vert snø i år då? - Nei, det vert det ikkje, det er på grunn av rognebæra, kjem det ein kar inn frå sidelinja og fortel. - Det har nemleg vore mykje rognebær og dei ber ikkje tungt to gonger. - Men eg trur det vert snø etter jul, seier Jonas, og rognebærguten nikkar samd, før han hoppar vidare.

Kva med julepregang, baking og julenissen då?



- Nei, me går ikkje rundt juletreet, seier alle tre. Men dei kan fortelja om både peparkakehus, peparkakeslott og ein pappa som lager sylte til jul.

Jonas får eit engasjert uttrykk i fjeset:

- Ein gong skulle eg finna ut om julenissen finst, så eg satte opp eit kamera ved peisen som tok masse bilder for å sjå om han kom. Han gjorde ikkje det!

Andre har teke foreldra på fersk gjerning i å leggja pakkar under treet, så julenissen har dei ikkje heilt tru på. Då var det kanskje Jesus som vart fødd i jula, likevel?

No nærmar det seg avslutning av Fredagsklubben denne dagen, men gutane vil koma med ei helsing til lesarane av kyrkjeblada:

- Håper alle får ei god jul og drikk masse databrus! seier Sondre, dei andre ler, og må forklara at databrus er energidrikk som er litt lov for dei under tretten.

Når latteren har senka seg ser dei på meg, og seier at dei håper alle har det bra.

- GOD JUL, smiler dei, før dei hoppar ned frå sofaen og spring opp i kyrkjerommet for å delta på avslutning med lystenning.



HELLAND ELEKTRO AS

EL.INSTALLASJON - INGENIØRTENESTER - SERVICE

Torvusmyrane 6
Nordhordland Næringspark
5913 Eikangervåg

Tlf: 56 34 24 30
E-post: post@helland-elektro.no
www.helland-elektro.no
Foretaksregisteret: NO 986 751 718 MVA



SIKRINGEN
- din elektriker

Arbeidsbåten MS Glimt klar for oppdrag

Allsidig arbeidsbåt som kan frakte materiell og utstyr til din kai eller i fjæresteinene der du trenger det.

Båten har alle sertifiseringer i orden, den er også godkjent som sløppebåt.

MS Glimt er har et dekkareal på 22 m², og en kapasitet på 3 tonn. I tillegg er det en kran med 8 meter rekkevidde. Det er også en kjørerampe som kan legges ned for å frakte f.eks. mingsløter, ATV, motorer, småbåter, utv. stisser eller lignende. Båten stikker 1 m djupt.

Vi kan levere totalpakker med båttransport, stillas, maskinutleie, tømrere og maltere, alt du måtte ha behov for.

Vi har personell og utstyr til å bygge/ rehabilisere seiler, mast, flyter og huts.

Ta kontakt på tlf: 4013 6666

Bøvågen Service AS
Bøtjernvegen 16, 5934 Bøvågen
Tlf. 4013 6666



Misjonsglede gjev kjempeinntekter

Tekst og foto: Øystein Skauge

På ei veke, to laurdagar på rad i starten av november, hentar dei to store misjonsorganisasjonane i landet vårt inn rundt 600 000 kroner på misjonsmessene i Knarvik.

Det handlar om Det Norske Misjonsselskap (NMS) som har sitt arrangement i Knarvik kyrkje første laurdag i november, og om Norsk Luthersk Misjonssamband (NLM) som følgjer etter i Nordhordlandshallen laurdagen deretter.

Det er eit samarbeid over heile Nordhordlandsregionen som toppar seg i julemessene til desse to organisasjonane. For NMS handlar det om lokale foreiningar og enkeltpersonar i Alver, Austrheim, Masfjorden, Modalen og Osterøy som går saman om dette store arrangementet.

Julemessa til NLM omfattar medarbeidarar frå omtrent same regionale nivå, men der er ikkje Osterøy med.

Begge desse store messene har tradisjonar som går mange år tilbake. NMS har hatt tilhald i Knarvik lenge, og dei siste åra i Knarvik kyrkje. NLM hadde dei første messene i Haugatun på Lindås, så ein del år i ungdomshuset Dalheim på Hundvin. Men for nokre få år sidan tok dei steget inn i den store Nordhordlandshallen i Knarvik.

No i haust er det full satsing i begge leirar etter fjorårets pandemi. Vi får høyre at kvar av misjonsorganisasjonane har løyve frå Lotteritilsynet til å selje lodd til hovudlotteriet for ca. 160 000 – 170 000 kroner. Og gevinstar får dei inn. Alt blir gjeve frå misjonsvenner. Anten ved produkt som er laga, strikka, sydd, eller som f.eks vakre kunstverk. Andre gevinstar er kjøpte på vanleg måte, og betalte av gjevarane. Hovudgevinsten for NMS er i år ein sykkel til verdi av 8000 kroner.

Under sjølve messa er salsdiskane veldig populære. Det går unna av det som vert lagt fram. Lettast å selje er gjerne matvarer, kaker, lefser, julebakst, hermetisert frukt og andre varer av liknande slag. Massevis av handarbeid vert selt unna. Kunstverk kan byte eigar til prisar på fleirfaldige tusenlappar.



Frå misjonsmessa i Knarvik kyrkje for NMS i 2018

Kaféen er open, og inntektene er gode. Det same gjeld dei veldig populære åresala.

Men julemessene har også ein stor sosial funksjon. Folk møtes, borna har artige tilbod, og praten susar gjennom lokala som ein liten haustkuling.

Likevel: Det er ikkje tilfeldig at dette er messer til inntekt for misjonsarbeidet.

Under messene er det difor naturleg nok forkynning både for born og vaksne.

NLM kjem til å dele inntektene mellom organisasjonen sitt hovudkontor, og eit prosjekt dei kallar «Betre kvardag for born og unge i Sør-Amerika» Det betyr arbeid i Peru og Bolivia.

NMS vil støtte kyrkjeleg og humanitært hjelpearbeid lokalt i sine misjonsland.

FAKTA

NMS er den eldste misjonsorganisasjonen innan Den norske kyrkje.

Samarbeid med kyrkjer i 16 land på fire kontinent.

Ca.1 500 misjonsforeiningar i Norge for born, unge og vaksne.

Nært samarbeid med lokale kyrkjelydar i Den norske kyrkje.

NLM, Frittstående luthersk misjonsorganisasjon.

50 000 medlemmer. 2400 foreiningar. Størst i Norge.

Omfattande misjonsarbeid i Afrika, Asia og Sør-

Bygg Team
VEST AS



Alt innan tømrarfaget!

RISNES
ELEKTRO AS



Elinstallatør · tlf. 56349620

KULTUR- KALENDER

1. desember

Konsert med Radøy damekor m/ folkegruppa Sus i Manger kyrkje kl. 20.00.

Billetter kr 250. Under 16 år gratis.

3. desember

Konsert med Bjørn Eidsvåg. Knarvik kyrkje kl. 19.00.

Bjørn Eidsvåg med band inntar Knarvik kyrkje. Billetter: Ticketmaster.no

5. desember

Konsert med Maria Urhaug m/gjestar i Manger kyrkje kl. 19.00.

Billetter kr 150/100.

5. desember

«Vår jul» i Knarvik kyrkje kl. 21.00.

Christian Ingebrigtsen, Maria Arredondo, Torstein Sødal, Gaute Ormåsen og Tine Thing Helseth. Billetter på ticketmaster.no

8. desember

Julekonsert i Ostereidet kyrkje kl 19.00.

Ved Te Deum m/fleire.

12. desember

Heile Meland sin julekonsert. Meland kyrkje kl. 17.00.

Kollekt til Kirkens nødhjelp.

14. desember

Julekonsert i Ostereidet kyrkje kl. 19.00.

Ved Ostereidet skulemusikk.

19. desember

Julekonsert i Vike kyrkje kl 18.00.

Ved OsterKlang. Markering av 130-årsjubiléet for Vike kyrkje.

19. desember

Konsert med Manger musikklag i Manger kyrkje kl 19.00.

19. desember

Julekonsert i Knarvik kyrkje kl. 20.00.

Sara Helen Romarheim Hetlebakke, med gode venner, inviterer til ein kveld med kjente, kjære og nye juletonar. Kr. 100,- per billett. Gratis for born til og med 6 år.

19. desember

Syng jula inn! Meland kyrkje kl. 20.00.

Med Felix Vocalis, band og solistar. Inngang kr. 100,-. Vipps: 514247.

23. desember

Litlejulaftankonsert i Knarvik kyrkje kl. 22.00.

Den tradisjonelle "kvelden før kvelden-konserten" med Kjersti Møllerup Wiik m.fl.

Billetter: TicketCo.no eller tlf. 92 66 39 20. Kr 250,- + avgift.

9. januar

Heilag tre kongars-fest i Sæbø kyrkje kl 16.00.

Julesongar, julespel, mat og gang om juletreet.

13. januar

Nyttårskonsert med Meland Musikklag og Sjøforsvarets Musikkorps i Knarvik kyrkje kl. 19.00.

Dirigent og solist Ole Edvard Antonsen.

16. januar

Nyttårskonsert i Knarvik kyrkje kl. 18.00.

Velkommen til Nyttårskonsert. Arrangør: Norges Korforbund Hordaland.

2. februar

Knarvik kyrkje kl 19.00.

«Men hva med de andre? Kristendommen og religionene.»

Biskop Halvor Nordhaug deler tanker om et tema som mange av oss baler med. «Jeg er veien, sannheten og livet», sier Jesus. Men hva da med alle de millionene som ikke er kristne? Kan de ha grepet sannheten på andre måter?

Gaver som forandrer verden

Gaver for alle anledninger! Velg noe fra vår nettbutikk som passer mottakeren av gavekortet og ditt gavebudsjett. Inntektene skaper forandring for mennesker i nød!

FYSISKE GAVER:

 MAMMAJERTE Fra kr 1600	 SOMMERFUGL kr 200	 VANNDRÅPEN kr 950	 JORDKLODEN kr 1700
--	--	--	---

Du finner disse og flere gaver i vår nettbutikk
www.gaversomforandrer verden.no

 **KIRKENS NØDHJELP**
actalliance



ANDAKT

Halvor Nordhaug
Biskop i Bjørgvin

Det vart ein underleg julaftan for eitt år sidan. Det var koronatid og grenser for det meste på alle kantar. Dersom vi ville samlast i kyrkja, kunne vi berre møtast veldig få. Nokon trassa vêt og vind og heldt gudstenesta utandørs, men dei fleste heldt seg nok heime. Eg håpar vi ikkje får oppleva slike tilstandar ein gong til.

For viss det verkeleg er ei tid på året der vi må møtast fysisk og kroppsleg, ta kvarandre i handa, og gjerne òg gi kva-

randre ein skikkeleg klem, så må det vel vera i jula. Jul handlar nemleg om kropp og om nærvær.

Vi feirar at Guds Son vart menneske og lagt i krubba. Jesus var eit heilt vanleg barn til fingerspissane – og samtidig noko så uvanleg som ein halv meter Gud, lagt på strå og utlevert til Marias og Josefs omsorg. Guds Son vart eit foster og eit spedbarn, hjelpelaus og hjelpetrengande. Slik vi alle kom inn i verda, og var avhengige av å bli tekne imot på ein god måte.

Når jula handlar om noko så fysisk og så kroppsleg som dette, blir det ikkje heilt det same å feira denne hendinga framfor kvar vår skjerm. Det er mykje bra som blir formidla på nettet og på TV ved juletider, og for den som sjølv ikkje kan komma til kyrkja er skjermen mykje betre enn ikkje noko. Men når vi feirar at Guds Son kom til verda i ein liten gutekropp, er det ingen ting som kan erstatta den fysiske og kroppslege samlinga.

Gud søker oss som heile menneske, så lat oss møte han slik. Difor håpar eg at du som les dette tek på deg (regn) frakken eller kåpa, og tek turen til kyrkja denne jula. Kom gjerne på julaftan!

Men sjølv dagen, Jesu fødselsdag, er faktisk 25. desember – og vi held fest den dagen òg.

Nokon av oss har det slik i jula at vi gjerne vil komma til kyrkja, men nøler fordi vi er usikre på om det er riktig. Trua kjennest for liten og tvilen for stor, eller det er andre grunnar til at ein ikkje passar inn. Viss du er blant dei som tenker slik, seier eg: Det er ikkje trua vår vi feirar, men at Gud er komen til oss. Og om trua vår er svak, og det er den ofte, så er Guds nærvær likevel heilt og sterkt og utan noko atterhald.

Så når Gud vil møte oss alle i kyrkja, er det grunn god nok til å komma. Slik hyrdingane kom til stallen og tilbad, sjølv om dei nok ikkje heilt forstod kva dei var med på.

Men kan du ikkje komma til kyrkja, så vêt trygg på at Gud uansett vil møte deg der du er og dela dagane dine med deg. For etter den første jula, då Guds Son vart menneske, er det ingen menneske og ikkje noko menneskeleg som er framand for Han.

Eg ønsker deg og alle dine ei glad og velsigna jul!

Quiz v/ Borgny og Erling Tjore

1. Kva heiter hovudstaden i Estland?
2. Kor mange strengar er det på ein vanleg gitar?
3. 4. juli er flaggdag i Norge. For kven?
4. På kva øy døydde keisar Napoleon?
5. Kva er ein pesk?
6. Kven var sokneprest i Radøy i 1960-åra?
7. Kva er ein hymne?
8. Kva heiter 50 på dansk?
9. Kva tyder ordet disippel?
10. Vart Kong Olav olympisk meister?
11. Kva heiter det minste rovdyyret i Norge?
12. Kor høgt (ca) er Morkefjellet på Radøy?
13. Kva heiter inste bygda i Sognefjorden?
14. Kven grunnla Den Nationale Scene i Bergen?
15. Kor mange kommunar er det i Nordhordland?



Olaug Bjørke
er 74 år, pensjonert
gardbrukarkone og
ho bur på Farestveit i
Modalen.



Svar, quiz: 1. Tallin. 2. 6 strengar. 3. Dronning Sonja. 4. St. Helena. 5. Reinskinnskofte. 6. Ivar Dommasnes. 7. Hymne er lovsong. 8. Halvtreds. 9. Lærling, tilhengar. 10. Ja, olympisk meister i sigling i 1928. 11. Snømusa er det minste rovdyret i Norge. 12. Ca 217 m.o.h. 13. Skjolden i Luster kommune. 14. Ole Bull stod bak Det Norske Teater, seinare Den Nationale Scene. 15. 7 kommunar: Fedje, Austrheim, Masfjorden, Alver, Osterøy, Vaksdal og Modalen

OPPSKRIFT

Tjukkalefser

Dette er mor mi si oppskrift som ho fekk av ei venninde. Denne har eg hatt med meg heile livet. Lefsene passar i alle slags høve. Kjekt å ha på lur i frysen i tilfelle kaffigjestar. Dei tinar mens du kokar kaffi og kan lunkast i omnen på 50 grader i nokre minutt. Serverast med til dømes smør og brunost eller smør og sukker.

Ingrediensar:

- 2 koppar kefir
- 2 koppar sukker
- 1 kopp sirup
- 1 kopp smør
- kveitemjøl
- 2 ts hjortesalt
- 1 ts kanel
- 1 ts kardemomme
- 1 ts natron (rør ut i kefir)

Slik gjer du:

Bland kefir, sukker og sirup og ha i smelta smør.

Ha i mjøl med hjortesalt, kanel og kardemomme, til passe deig. Den må ikkje vera for fast.

La gjerne deigen stå kaldt til neste dag. Kjevlast ut i leivar 7-8 mm tjukke.

Steikjast på takke på middels varme.

Vel bekomme!



Foto: Ann-Jorunn Farestveit

HELÅS AS

- Gravminner og benkeplater
- Salg av nye steiner
- Vedlikehold
- Reparasjoner (nytt gull eller lakk)
- Navnetilføyelse
- Arbeid på kirkegårder (rette opp og sikre steiner)

Bare ta kontakt dersom du har spørsmål.
Tlf 93 03 75 94 / 56 37 35 45

GÅRDBRUKERSERVICE

LANDBRUK & MARINA Etablert 1981

Φ NORDHORDLAND BEGRAVELSESBYRÅ Ditt lokale gravferdsbyrå

ALLTID HÉR FOR **deg**

DU NÅR OSS PÅ TLF. 56 37 14 10 - 56 99 25 70

Kyrkjevegen 1 Alversund Havnevegen 31 Frekhaug Elvavegen 1 Dalekvam

M

MELAND ELEKTRO

AUTORISERT ELEKTROENTREPRENØR

Mjåtveitflaten 45 • 5918 FREKHAUG
Tlf 56 17 87 00 • post@melandelektro.no
www.melandelektro.no



MIN SONG

Nils Ove Hauge (50 år) er sivilingeniør, bur på Leknes, er gift og har tre jenter.

Kan du skriva spalta Min song til neste nummer av Kyrkjegløtten? Spørsmålet kom stille gjennom ein e-post i innboksen min. Så lenge eg kan huska har eg vore opptatt av song og musikk. Då særskild i den gode melodien, stemningsfulle harmoniar og spenstige arrangementet. Tekst er derimot noko eg først har hatt fokus på dei siste åra. Eg ønskjer å skriva om ein song der eg føler stemninga i melodien verkeleg byggjer opp om, og løftar teksten, Jeg er i Herrens hender, Norsk Salmebok nr. 497. Teksten er skriven av presten Erling Tobiassen i 1932, og melodien av Sigurd Lunde i 1955. Sistnemnte var ein svært allsidig person. Han var utdanna både som journalist og teolog, og i sitt yrkesaktive liv jobba han bl.a. som journalist, prest, «radiomann», redaktør, biskop, komponist og forfattar.

Teksten i songen handlar om det å vera trygg i Guds omsorg, og at Gud er nær gjennom alle dagar og situasjonar. Den vakre melodien verkar mollstemt sjølv om han går i ein durtoneart, og dette klør tematikken i teksten. I dag er denne salmen mest brukt ved gravferder, men han er slitesterk og alltid aktuell, så kanskje du òg vil syngja denne i dag?

Jeg er i Herrens hender
når dagen gryr i øst.
Hver morgen han meg sender
sitt ord med lys og trøst.
Hva dagen meg vil bringe
av glede og av savn,
jeg kan på bønnens vinge
få kraft i Jesu navn.

Jeg er i Herrens hender
i alt som med meg skjer.
I smil og gråt jeg kjenner
at Herren er meg nær.
Om jeg i dype daler
må gå den tunge vei,
fra himlens høye saler
hans øye følger meg.

Jeg er i Herrens hender
når dagen dør i vest.
Min synd jeg stilt bekjenner
for ham, min høye gjest.
Han gir meg himlens nåde
og setter englevakt
for natten han vil råde
med hellig guddoms makt.

Jeg er i Herrens hender
når dødens bud meg når.
Mens lyset stilt nedbrenner,
fra ham jeg hilsen får.
Han gir meg stav i hånne,
han gir meg trøst i sinn,
og glemt er ve og vånne
på vei til himlen inn.

NORGESHUS
Hinden Hus
Hinden Hus AS - 5993 Ostereidet
Tlf.: 56 35 25 80 - andre.vabo@norgeshus.no

Gravminne
● Ring for katalog
● Navnetilføyning
● Gravstell
● Oppussing
Hageland
Eikanger
Sauvågen 251 - 5913 Eikangervåg - tlf 56 35 77 30

Torill Foto
Hjelmås
Tlf.: 56 35 52 90

REMA 1000
OSTEREIDET

Hjelmås
VVS a/s
Torvhusmyrane 2 – 5913 EIKANGERVÅG
Tlf. 56 35 40 50
E-post: hjvvs@hjelmaas.no

Bt
BYGGtorget
KÅLÅS BYGG AS
Tlf. 56 35 33 70 - www.kalasbygg.no



Bøn og lovsong

Tekst: Nils Ove Hauge

foto: Gunvor Mjanger Taule

Det er med stor glede at me kan fortelja at Bøn og lovsong har starta opp att etter å ha vorre borte i ca. to år. Kva er no dette for noko, undrast du kanskje? Som namnet seier er dette ei samling der me har fokus på bøn og lovsong. Me startar vanlegvis med ei lita andakt, for deretter å samtala om andakten, enkelte bibelvers, daglegdagse ting og andre emner som dukkar opp. Vidare er det fellesbøn og song. Samlingane har eit preg av å vera ein delekveld, til styrkje og oppbygging for kvar enkelt. Det er vanlegvis ca. ti personar tilstades, men det er plass til mange fleire.

Samlingane er måndagar i partalsveker, kl. 1900-2030, i Ostereidet kyrkje.

Du er hjarteleg velkomen til å vera med!

Vaage Karosseri as

Tlf. 56 35 63 50



OSTEREIDET
Kro
smakfulle frustelser



**DC EIKEFET
AGGREGATES AS**

www.dcreources.no

Sand – Grus – Singel - Pukk

Slekters gang

Døypte

Hjelmås kapell

12.09.21 Odin Steinsland Ivarsøy
12.09.21 Leah Louise Kårdal Sand

Ostereidet kyrkje

05.09.21 Oliver Engesæter Mathisen
17.10.21 Hedvig Hindenes Tømmerholt

Vike kyrkje

10.10.21 Odin Molvik

Døde

Hjelmås

13.10.21 Leif Magne Nytun

Ostereidet

01.07.21 Jarle Grindheim
02.09.21 Jørg Nottveit

Romarheim

28.08.21 Norvald Bjarne Ryland

Mo

Døypte:

26.09.21 Axel Stien
Noah Stien
11.09.21 Theoline Brügger Brekkhus

Døde:

22.10.21 Svein Gisle Langedal

Tankestrek

Av Sokneprest Torbjørn Aamli

Lei av å vente?

Ad-vent

Mange tror at advent handler om å vente. Og det gjør det nok for mange barn. De har adventskalendere eller appelsin med nellikspiker, og teller ned dagene før jul. Det er forresten sunt å vente. Da får du tredobbel glede! Du gleder deg til noe godt der framme, og når det gode endelig er der, er gleden på topp. Etterpå kan vi glede oss over minnet.

«I want it all, and I want it now!»

I vår tid har vi vennet oss til at alt skal skje så hurtig. Hurtigmat og «instant (pulver) -kaffe». Vi sprekker nesten av utålmodighet når pålogging på datamaskinen tar tid. Jeg var kanskje ikke så mye bedre i mine unge dager. Nesten alltid løp jeg de 300 meterne til busstoppet på veg til skolen, og kunne ikke begripe at besteforeldrene satt påkledd med ytterjakke i 10 minutter før de skulle ut til noe...

Ut med adventstida?

Er det derfor adventstida har blitt forvandlet til en lang førjulstid, med julebord og kakemenn tidlig på høsten? Adventssangene er nesten borte, for julekonsertene gir full pakke med julesanger i hele desember, og vel så det. Før varte jula fra julaften til 13. eller 20. dag jul. Men så lenge orker vi ikke når jula starter i november.

Adventus

Advent betyr ankomst. Han som kom er selvsagt Jesus. Adventstiden er en forberedelsestid før jul. Vekslingen mellom et enklere liv, og festtid, har mye for seg. Av hensyn til miljø og bærekraft, men også som en mental og åndelig forberedelse. Peter Halldorf har sagt det slik:

«I hver eneste periode av året blir vi minnet om en spesiell side ved Guds fullbyrdede frelsesverk i historien – og ber om at den også må fullbyrdes i oss.»

Pust liv i adventstradisjonene

Kan det være noe verdifullt i de gamle adventstradisjonene, med lystenning og ettertanke? Kan vi puste litt liv og forventning i dem, og håpe på en tredobbel juleglede? Håper jeg treffer mange av dere i kirka i jula!

Med ønske om en velsignet advents- og juletid for dere alle!

Tilsette Mo



Antje Michelau-Meyn
Trusopplærer / 56 59 90 34
antje.michelau-meyn@modalen.kommune.no



Ove I. B. Danielsen
Trusopplærer
458 51 616 · od576@kyrkja.no



Torbjørn Aamli
Sokneprest
476 21 201 · ta576@kyrkja.no



Bjørn D. Nygård
Kateket
412 59 586 · bn458@kyrkja.no



Lars Bjarte Nesheim
Kyrkjeverje
976 75 416



Else Iren Westervik
Søndagsskulemedarbeider



Boris Kuprijanov
Organist
920 60 993 · bk365@kyrkja.no



Sonja B. Molvik
Sekretær
sm769@kyrkja.no



DEN NORSKE KYRKJA

Ostereidet kyrkjekontor

Ørnova 21, 5993 Ostereidet

Opningstid: mandag, tysdag og torsdag, kl 09.00 – 15.00.

Telefon: 400 01 691

klar dag kl 10.00 – 14.00.

post.osterfjorden@kyrkja.no www.kyrkja.no/osterfjorden

Facebookside:

Kyrkja i Osterfjorden

Kontonummer: 3632 58 99098

Vipps: 537808

Hugs å merka kva betalinga gjeld.

Mo kyrkjekontor

5729 Modalen

Kontortid: mandag og onsdag kl. 8.00 – 15.30.

Telefon: 56 59 90 33
larsbjarte.nesheim@modalen.kommune.no

Facebookside: Mo sokn

Alver kyrkjelege fellesråd

Lonsvegen 1, 5914 Isdalstø

post.alver@kyrkja.no
www.kyrkja.no/alver

Kyrkjeverje: John Fredrik Wallace
jw734@kyrkja.no

Leiar i fellesrådet: Grethe Lunde,
gr-lunde@online.no

Soknerådsleiarar:

Osterfjorden: Geir Ove Hopsdal
901 18 278

Mo: Henning Birkeland,
994 70 008

Kyrkjegløtten

Utgjevar: Sokneråda i Osterfjorden sokn og Mo sokn, i samarbeid med Meland sokn, Knarvik sokn og Radøy sokn.

Redaktør: Gunvor Taule Mjanger

Lokal redaksjon: Torbjørn Aamli, Ole Einar Eide Eidsheim, Anne Berit Eknes, Gunvor Taule Mjanger, Lars Bjarte Nesheim

Grafisk design: Simen Søvik

Trykk: Bodoni AS

Framsidedeilete: Arve Kjell Uthaug



Helge Taranrød
Prost
ht759@kirken.no



John Fredrik Wallace
Kyrkjeverje
jw734@kyrkja.no

Tilsette Ostereidet



Anne Sofie Nergård Uthaug
Dagleg leiar - 404 62 647
au887@kyrkja.no



Marit Færøy
kyrkjetenar

Gudsteneste- kalender

21. november

Hjelmås kapell kl 11.00
v/Torbjørn Aamli og Ove
Danielsen
Familiegudsteneste. 4-års-
bok.

28. november - 1.søndag i advent

Ostereidet kyrkje kl 11.00
v/Torbjørn Aamli og Oste-
reidet Soul Kids
Gudsteneste for små og
store.

5. desember - 2.søndag i advent

Mo kyrkje kl 11.00
v/Torbjørn Aamli
«Vi gru-gleder oss»

5. desember - 2.søndag i advent

Vike kyrkje kl 17.00
v/Torbjørn Aamli
Lysmesse / familiegudste-
neste

12. desember - 3.søndag i advent

Ostereidet kyrkje kl 17.00.
v/Torbjørn Aamli
Lysmesse. Konfirmantar
deltek.

19. desember - Vike kyrkje 130 år

Vike kyrkje kl 18.00
Jubileums- og julekon-
sert ved Osterklang, Else
Iren Westervik og Boris
Kuprijanov.

24. desember - Julaftan Mo kyrkje kl. 13.00 v/Tor- bjørn Aamli

Ostereidet kyrkje kl. 14.00
v/Helge Taranrød

Vike kyrkje kl. 15.00 v/
Torbjørn Aamli

Storstova Leiknes skule kl.
15.45
v/Helge Taranrød

25. desember – Juledag
Ostereidet kyrkje kl 12.00
Høgtidsgudsteneste v/
Torbjørn Aamli

2. januar

Hjelmås kapell kl 11.00
v/ Torbjørn Aamli
«Han som lyser opp for
oss»

9. januar

Ostereidet kyrkje kl 11.00
v/Magne Bjørndal
«Kva betyr Jesu dåp for
oss?»

16. januar

Mo kyrkje kl 11.00
v/ Torbjørn Aamli
«Han har synt oss kven
Gud er»

23. januar

Ostereidet kyrkje kl 11.00
v/Torbjørn Aamli
Gudsteneste for små og
store
«Kven kan reise dei sjuke
opp?»

30. januar

Hjelmås kapell kl 11.00
v/Torbjørn Aamli
«Ei merkeleg utfordring»

Vike kyrkje kl 17.00
v/Torbjørn Aamli
Gudsteneste for små og
store
«Ei merkeleg utfordring»

6. februar

Ostereidet kyrkje kl 11.00
v/Torbjørn Aamli
«Han samlar oss inn»

13. februar

Mo kyrkje kl 11.00
v/Helge Taranrød
«Kven har sådd ugras i
åkeren?»

20. februar

Ostereidet kyrkje kl 11.00
v/Torbjørn Aamli
Gudsteneste for små og
store
«Ekstrem forvandling før
og no»

27. februar -

Fastelavnssøndag
Hjelmås kapell kl 11.00
v/Torbjørn Aamli
«Vi går mot Jerusalem!»

6. mars

Ostereidet kyrkje kl 11.00
v/Magne Bjørndal
«Må eg?»

13. mars

Mo kyrkje kl 11.00
v/Torbjørn Aamli
«Ein kamp som er verd å
kjempe»

20. mars

Vike kyrkje kl 11.00
Ostereidet kyrkje kl 17.00
v/Torbjørn Aamli
«Eg bad for deg!»

27. mars - Maria
bodskapsdag
Hjelmås kapell kl 11.00
v/Magne Bjørndal

FASTE AKTIVITETAR I OSTERFJORDEN

Ostereidet kyrkje

Sprell levande
Søndagsskule 1.-4.klasse
Onsdagar kl.12.45-14.15
(Oddetalsveker)
Ingunn Skeie Buanes,
95823103
Ostereidet Soul Children
Onsdagar kl.17.30-18.30
Renate Waldow, 91550548
Fredagskafeen
Fredagar kl.20-23.00
Bjørn Ingvar Eidsheim,
971 45 120
Te Deum
Onsdagar kl.19.00-21.00
Solfrid Hindenes, 90117981
Osterklang
Torsdagar kl.17.00-19-00
Solveig Eide, 98647358

Pensjonistlaget
Torsdagar kl.16.30
Arnfinn Hellevang,
97601675
Siste torsdag i mnd.

Strikkekafeen
startar opp att tirsdagar i
partalsveker, 21.9. kl 19.00 i
Ostereidet kyrkje.

Bøn og lovsang
startar opp att måndagar i
partalsveker, 20.9. kl 19.00 i
Ostereidet kyrkje.

Hjelmås kapell

Jungelgjengen
Tysdagar kl.17.30-19.00
Helga A.Eikrem, 41648493
Småbarnstrall
Onsdagar i partalsveker
Bjørn D. Nygård

Borgstova på Vikanes

Laurdagsgraut
Borghild Toft, 48057831



Mo kyrkje



Vike kyrkje



Ostereidet kyrkje



Hjelmås kapell